

遊九華山記

王思任

予令姑孰歲謁監司於秋浦每吟老杜高山擁縣青則願調青陽一尉至玩華亭每恨不久得長此亭足矣壬寅六月以課績往而兄大然師漏仲容實來乃訂門人張仲濠王中履共訪九子山臂篆手鑣約從移醴出青邑九華廟十五里至西洪嶺雲物作噩各有敗意而大然力呼以爲卽搥鐵勿阻俄而霽矣見枕月一峰秀矯天左雲觀弼之自此但有蓮花層臺烟鬟亂堆聚首而變者命爲九子餘不勝問也五里至石龍口峭嶺漸迫怪體幻來十里至山西屯則垂天之雲倒立陰陽失昏曉矣乃飯於橋菴過野梁下有朱瑚石骨席平三十丈流水一派如雲

道藏輯要

天下名山記
江南九華王

卷

軫集一

霞舒走急置酒上流腹臥而味接之吾家伯安先生賦九華瀨流觴而縈紆道石盤於澗道者豈樂此耶去梁百步望見懸瀑一通馬上人眉岸盡帶棲賢三峽數里至湧泉亭此雲石中仙醮也數里至半霄亭鬟螺髻蟠糾今弁兜洵武如此行小仙橋兩澗孤絕至碧霄亭而九十九峰次第招我葛袂過大仙橋僧童以簫管互迎空山細響烏梵鳴泉殊不惡至望江亭霧中拖曳一練疇昔舟中所極目碧靄者我今噓其間乎入玄覽亭而江島山翠爭媚含規容有恠思矣左折而下抵化城寺肅佛後簡一竹樓憑之似翕碧菡萏中一鬚者仲容方與仲履了了然闕局道仲濠以爲如此好山不看而擔糞溷乃公爲大然曰此

二人者九子坯也乃飛學轟劇而宿質明謁太白祠虎蹄新過如爪折有胡僧以藤杖夜巡虎來輒伏禮地藏殿隨喜其塔老僧具云至德初王從新羅國卓錫於此以堪輿理察之此山獨小圓直中立有似萬萼護苞者佛所藏亦八風不襲人子更須知矣白蟾之事似若荒唐然青泥可食於傳有之予幼遊盱江從姑有米脂二穴氣每臭人仙佛作戲不可以腐斷也第舍利妙光緣薄未購差爲闕事乃東上神光嶺望金剛尖山若戴杵東巖是金藏苦行處數轉而得龍頭石一巖險掛伯安手書周經偈在焉巖下則爲舍身崖粟人膚股者也南折而入一禪室枯僧一人跌其中啖五釵松而已而所謂古仙鉢孟雲門天台

道藏輯要

天下名山記
江南九華王

奕

軫集一

繡壁聚講內峰外峰皆以萬燾卷揚共衛金藏之樞也自此而往猿居熊府啼嚎幽暗無樵迹矣予膽如瓠足如蘿欲卽窮之會直指有檄山靈又將修妬因各賦數詩趨還大都九華之勝李供奉發明之矣山多作怪學人物鳥獸之形團結移換朝鏡夕方遂令三百里之間神目駭笑然而身卽其巔俱疣附陷騰詭譎易厭昔人所謂可望而不可登者也寒碧秋凝集衆美而得大意者庶幾五溪橋上乎是役也所悵悵未游者九子寺七布泉所未見者鉢囊花玉纓絡所見者石斑魚南天竹所聞者虎嘯克丁當所食者竹簞石芝得攜歸示人者仙掌扇金地茶